

蒲縣志

蒲縣志序



周禮職方氏掌天下之圖以
掌天下之地辨其邦國都鄙
四夷八蠻七閩九貉五戎六
狄之人民與其財用九畜六
穀之數要周知其利害而隸
之於司馬大司徒掌邦教而

蒲縣志

序

其所亟者乃在於以天下之
圖周知九州之地域廣輪之
數辨其山林川澤邱陵原隰
之名物而其所重尤在以土
會之法辨五土之物產然後
以十二教治五物焉夫圖載
山川之險易及土田肥瘠寬

狹戶口物產多寡登耗之數者意主於物土布利惠養元元也而又必屬之司馬營之司徒者豈非以設險守國因地施教亦於此是賴哉郡邑之志即郡邑之圖籍也而蒲邑獨無志非無志也踳駁

骹不可以為訓典也予同年友王貞齋先生魁然為一代著作手而端亮介直尤為邑之人士所欽矚予以邑志商之慨然以脩舉廢墜自任於是詛經稽典嚴立義例刻偽存真拾遺補缺越五月而志

成凡所以經緯天地綱紀人倫文教武備無不密博周詳而於土田戶口賦稅征徭尤三致意焉蓋民力凋瘵甚矣書成予走筆序之欲使後之覽者惻然念斯邑之未易藉手也

乾隆癸酉季夏穀旦

賜進士第知蒲縣事歷陽巫慧
穎超氏撰



蒲縣志序

郡邑之有志蓋昉古列國之
史而體則權與於禹貢一書
至周禮職方氏有內史以掌
邦國志外史以掌四方志而
制綦詳已其後班孟堅因之
作漢地理志唐為括地志宋

為寰宇志元明為一統志皆
其遺意云大抵史以契經志
以契史而郡邑之志又所以
徵文考事以備通志之採擇
者也蒲之古志無聞自三河
羅侯創脩於明天啓丁卯閱
四十有七年至

國朝康熙癸丑孝感胡侯始起
而修之其間因仍者十九增
訂者不及十一規模以羅維志
為藍本而觀者或厭且擲勿
亦助焉不詳又或失則近俚
焉近墓焉蒲有志而無志也
又八十年於茲矣我邑侯

丞魯亭先生以名進士持蒲
令甫下車愷茲黻典力任脩
明屢委余屬草焉適余奉
天子命往尹秦郿而丞戾亦以
王事鞅掌不遑卒業歲癸
酉余以內艱家居丞侯復不
以余為不肖輒申前約而以

纂事見屬方懼不克勝任而
鉅典久缺將復湮滅是夏用
是不辭固陋篝燈編摩祛
臆擿真剗剝補時自春徂夏越
七晦朔而脫葉焉凡為卷者
十為目者七十有奇定可繕
寫因綴教語於簡端竊以備

志之難言也一邑之內山川
形勝城郭闕津戶口田賦之
數職官兵防之設以及人物
之感否方名物志之更易與
夫水旱災祥成敗廢置之不
時事禁文煩如蠅集鱗次於
此而部居門彙窮蒐周采令

輕重詳略之不失其宜衆覈
考據之不爽其實以成爲一
邑完典正未易率爾操觚也
且余聞之之脩志者矣或徵
聘名流或委任邑賢造之文
經衆手事同築舍去取百端
雖黃萬狀因而毀譽褒貶探

寸管以高下其手親尊者曲
騰丹閔之稱伏疾者巧織萋
菲之錦甚且啖金使墓附執
取容至以孝友節義藉爲
納交酬賄之具而於紀實存
微彰往矧後之義了無當焉
穢史之名不獨貽後魏收矣

茲編也提綱挈要崇實黜偽
正彥之公且明足以獨斷之
而編次之役專委能管於不
佞所謂矜如葉舍者又庶矣
免矣而猶慮其有罅漏也由
是搜之往牒訂之金石採之
輿詞志地理則攷挾必真志

建置則興廢并錄志賦役而
民力之凋瘵以見志學校而
廟祀之禮儀以詳他若秩祀
志而淫諂必斥祥異志而兵
荒特書官師與選舉志而觀
法以立人物與藝文志而文
獻以存大槩衡人品則寧嚴

勿濫採詞章則宜少勿多聞
出已意附小論於經尾以期
為世道計為民情計以副我
賢侯救殘補缺之盛心而知
罪有所弗恤矣雖然山川風
土志矣何道而使敵者以起
兵農錢穀志矣何道而使困

者以蘊孝義節烈志矣何道
而使幽者以顯祥異藝文志
矣何道而使卑者以和濟者
以溥是又在後之官斯土者
因文徵事因事徵文於以酌
古今今驗世道答民情考因
革損益之宜得窮變通久之

故措置施為不勞而得政要
則是編之作不無小補焉寧
後以摺摭者塞乞候題激瀾
出之盛舉也哉
皆


乾隆十八年歲次癸酉季夏
賜進士出身前翰林院編脩知

蒲縣志

序

上

陝西永壽縣事邑人王居正
貞齋甫撰并書



蒲縣志卷首

圖攷


在天成象在地成形有形與象而名以起焉名可以志
 志之維形與象獨不可以志志之周官詔觀事則有志
 詔地事則有圖蓋有圖而志所不能載者乃悉繪諸尺
 幅圖固與志相表裏歟蒲葦爾邑而山水明秀其待圖
 以志者夥矣故圖星野圖疆域圖山川名勝圖城郭宮
 室俾觀者瞭若列眉而於以占風土審地勢守國者知
 所扼要把卷者可當卧遊已作圖攷

蒲縣志

卷首

圖考

參宿圖



參十星距中星西第一星去極九十二度半。玉井四星距西北星去極九十八度少入畢星十一度半。天屏二星距南星去極一百一十五度入畢宿十三度半。軍井四星距西南星去極一百五度半入畢十四度。天厠四星距西北星去極一百一十八度半入參宿二度。尿一星去極一百一十五度入參星三度半。總有七星紫相侵兩肩雙足三為心伐有三星足裏深玉井四星右足陰屏星兩扇井南襟軍井四星屏上吟左足下四天厠臨厠下一物天尿沉

丹元子步天歌

蒲縣志

卷首

圖考

二

參宿圖



觜三星距西南星去極八十二度半。○坐旗九星距西星去極六十一度半入參宿八度。○司怪四星距西星去極七十一度入參宿六度半。躔度

三星相近作參榮觜上坐旗直指天尊卑之位九相連司怪曲立坐旗邊四鴉大近并鉞前

丹元子
步六歌

參觜星說

參觜二宿相連參七星橫三星為中軍中一星大將旁二星參謀也故命名焉二肩為左右將軍二足為前後將軍下三星號曰伐大將之柄天之都尉也觜三星曰觜觜為三軍之侯行軍之藏府蓋參為首伐為身觜為尾其為白虎玉井四星在參左足下虎足躔玉井中則不敢妄動否則大兵起矣玉井東下四星曰軍井南二星曰屏屏所以蔽則厠下一星為天屎并鉞前四星曰司怪司怪西北九星曰座旗觜主天之闡明大則天下

安五穀熟甘氏曰參爲忠良考謹之子明大則臣忠子
 孝安吉一日參伐一日大辰一日天市一日鉄鉞又爲
 天獄又主權衡所以平理也又主邊域爲九譯故不欲
 其動也大抵二星主斬刈及葆旅事所謂天之金星也

蒲縣志

卷首

圖考

四

東北八十里趙城縣界

正東七十里洪洞縣界

東南七十里臨汾縣界


正北八十里



正南八十里

汾西縣界

圖境護



西止六十里

正西五十里隰州界

西南七十里大年縣界

形勝圖



卷首

圖考

五

蒲縣志
城圖

卷首

圖考

六

